



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 100. Quid notandum sit circa metum, ex quo concipi potest dolor de peccatis.

urn:nbn:de:hbz:466:1-42624

Q. 100. Quid notandum sit circa metum, ex 719.
quo concipi potest dolor de peccatis. R. seqq. §. 1.

Metus ratione peccati alius est divinus sive cœlestis, alius humanus sive mundanus: divinus est, qui provenit ratione alicujus concernentis Deum vel cœlestem gloriam: Humanus est, qui provenit purè ratione creaturæ, uti si horream furtum, quia apud homines causat infamiam; & hic metus communiter est inhonestus, quia non excludit affectum internum peccandi, quem homines non vident, nec punire possunt.

§. 2. Metus divinus, alius dicitur servilis, 720. alius filialis, alius initialis. Servilis est, quo timeo mihi malum, quod peccatum causat apud Deum. Filialis est, quo timeo Deo malum, quod peccatum causat. Initialis est, quo timeo mihi & Deo malum, quod peccatum causat. Hos metus explicat S. Tho. 2. 2. q. 19. a. 2. in O. his verbis: Si aliquis convertatur ad Deum & ei inhereat propter timorem pœnæ, erit timor servilis. Si autem propter timorem culpæ, erit timor filialis, nam filiorum est timere offensam patris. Si autem propter utrumque, est timor initialis, qui est medius inter utrumque timorem. Addit ad 3. Timor filialis & castus ad idem pertinet, quia per charitatis amorem Deus, pater noster efficitur.... Timor autem servilis ad aliud pertinet, quia charitatem in sui ratione non includit. Addit ad 4. Timor servilis & initialis respiciunt pœnam.... principaliter timor servilis, timor autem initialis secundariò.

§. 3. Metus servilis alius est serviliter servilis, 721. sive cum servilitate, alius est servilis sine servilitate. Servilis cum servilitate est, cum quo conjuncta est talis comparatio animi, ut si pœnam non timeret, adhuc peccatum vellet: & de hoc intel-

intel-

intelligitur, quod ex S. *August.* refert S. *Th.* *supra* a. in O. 9. *Timor servilis potest habere amaram voluntatem peccandi.* Servilis sine servilitate est, qui non causat, nec conjunctus est cum tali comparatione animi, sed propter quem nunc simpliciter excluditur voluntas peccandi, uti probabitur à n. 813.

722 Q. 101. *Quæ sit natura & vis contritionis perfectæ & sufficientis ad justificationem sine Sacramento.*
 R. §. 1. Hæc contritio debet procedere ex motivo bonitatis Dei, adeoque esse odium peccati, quia Deo malum est, S. *Th.* p. 3. q. 85. a. 6. & q. 86. a. 3. O. *Arr.* d. 6. f. 3. *Dicast.* d. 2. nu. 112. aliique communissimè contra paucos, qui dixerunt hanc contritionem posse procedere ex motivo solius Religionis, justitiæ vel alterius virtutis respicientis Deum, præscindendo ab omni pœna vel præmio, adeoque sufficere detestari peccatum, v. g. quia est contra Dei cultum, contra jus Dei &c. quam sententiam probabilem dicit *Suar.* d. 4. f. 2. n. 13. & ut probabilem defendunt *Aversa* q. 3. f. 6. & *Lugo* d. 5. f. 1. è contra *Arr.* f. 2. dicit non esse intrinsecè probabilem, *Bojco* f. 2. n. 134. vocat vix probabilem, *Vasq.* q. 85. a. 2. n. 45. vocat erroneam. Ratio nostra petitur ex *Trid.* sess. 14. De Pœn. c. 4. nam imprimis dicit per contritionem, si sit charitate perfecta, causari gratiam extra Sacramentum, non autem si sit tantum attritio. Neque sensus est, uti volunt aliqui cum *J. Pontio* d. 45. n. 9. contritionem tum esse charitate perfectam, si propter illam cum gratia infundatur habitus charitatis, nam contra est, quod simili sensu attritio cum Sacramento etiam dici posset formalis contritio charitate perfecta, quia propter attritio-